

## **Kalaallit Nunaanni qamutininik nalunaarsuisarneq pillugu nalunaarut**

Aqqusinertigut angallanneq pillugu Kalaallit Nunaannut inatsimmi, tak. inatsimmik nalunaarut nr. 995, 26. oktober 2009-meersoq, § 5, imm. 1-5, § 8, § 56, imm. 2, aamma § 72 b naapertorlugit aalajangersarneqarput:

### Kapitali 1

#### *Nalunaarummik aqutsineq*

#### *Politiit*

**§ 1.** Kalaallit Nunaanni politimestereqarfik (politiit) nalunaarummik matuminnga aquttsisuusaaq.

*Imm. 2.* Politiit nunap ilaanut aalajangersimasunut tunngatillugu qamutininik nalunaarsuisarneq pillugu piomasaaqatinik tamakkiisumik ilaannaasumilluunniit atortitsinngitsoorsinnaapput.

*Imm. 3.* Politiit § 3, § 7, § 9-mi imm. 3, § 10-mi imm. 1, aamma § 19 pillugit immikkut akuersissuteqarsinnaapput tamatumunnga immikkut ittunik pissutissaqartillugu.

*Imm. 4.* Politiit akuerisinnaavaat:

- 1) Taartitut allagartaq uppersaataat pillugu qinnuteqaatip internettikkut saqqummiunneqarnissaa, tak. § 13.
- 2) Qamummik nalunaarsooqitassatut nalunaarutiginninnerit internettikkut pisarnissaat, tak. § 14.

### Kapitali 2

#### *Qamutit nalunaarsorneqartussat*

#### *Qamutit nalunaarsorneqartussat suuneri*

**§ 2.** Qamutit makku aqqusinertigut angallannermik inatsimmi pineqartuni atorpeqalersinnatik nalunaarsorneqarlutillu normulerfilersorneqassapput imaluunniit nalunaarsorneqarnermut mærkilersorneqassapput, taamaattoq tak. imm. 3 aamma § 24:

- 1) Qamutit motorillit, taamaattoq tak. imm. 2.
- 2) Qamutit qamutininut motorilinnut kalitassiat aamma qamutit usisaatit kalitassiat
- 3) Snescooterit (qamuteralaat).
- 4) Traktorit sakkullu motorillit, qamut nammineq 2000 kg sinnerlugit oqimaassuseqarpat.

*Imm. 2.* Motorcykeli 30. juni 1980-ip kingornagut Kalaallit Nunaannut eqqussaq tassaniluunniit suliaasimasooq aqqusinertigut angallannermik inatsimmi pineqartuni atorpeqassanngilaq.

*Imm. 3.* Qamut imm. 1-imi taaneqartutut ittoq nalunaarsorneqartinnani piginnittumit atuisumilluunniit ingerlanneqarsinnaavoq, tak. § 3, imm. 2, piffimmi aqqusinertigut angallannermik inatsimmi pineqartumi umiarsualivimmit eqqunneqarfigisamiit piginnittup, taamatullu atuisup, najugaanut aamma nalunaarsorneqarnissaq iluarsarneqarnissarlunniit pissutigalugu sivikitsumik.

#### *Najugaq imaluunniit nunagisaq*

§ 3. Qamut Kalaallit Nunaanni nalunaarsorneqassaaq, qamutip piginnittaa Kalaallit Nunaanni najugaqarpat imaluunniit tassani nunaqarpat. Sulliviit pillugit nunagisaq sanilliunneqassaaq aalajangersumik ingerlatsiveqarfimmut.

*Imm. 2.* Qamummik piginnittoq Kalaallit Nunaanni najugaqaraniluunniit tassani nunaqanngikkaluartoq taamaattoq Kalaallit Nunaanni nalunaarsuisoqassaaq, inuk alla imaluunniit inatsisitigut ingerlatsisorisaq, piginnittuunngitsoq, sivisuumik qamummik atuisinnaatitaasimappat atuisorlu taanna Kalaallit Nunaanni najugaqarpat imaluunniit nunaqarpat. Atuisinnaatitaaneq sivisuutut naatsorsuunneqassaaq ullunik 30-nik sinnerlugilluunniit sivisussuseqartussatut atuisinnaatitsineq isumaqatigiissutaasimappat.

§ 4. Inuk nammineq Kalaallit Nunaanni najugalittut inunnik nalunaarsuisarfimmi nalunaarsugaasooq Kalaallit Nunaanni najugaqartuusutut naatsorsuunneqassaaq.

*Imm. 2.* Inuk inunnik nalunaarsuisarfimmi Kalaallit Nunaanni najugalittut nalunaarsugaanngitsoq Kalaallit Nunaanni najugaqartutut naatsorsuunneqassaaq pineqartoq taanna ulluni 185-imi amerlanerusuniluunniit Kalaallit Nunaanni uninngaarsimappat, imaluunniit pineqartoq taanna qaammatit 12-it ingerlanerini piffissami kipisaqattaartumi katillugit ulluni 185 amerlanerusuniluunniit Kalaallit Nunaanni uninngaartarsimappat.

#### *Marloqiusamik pingaarnertut najugaqarfeqarneq*

§ 5. Qamummik piginnittuusooq atuisorluunniit tassaappat nunani assigiinngitsuni arlalinni najugaqarfilik, qamut Kalaallit Nunaanni nalunaarsorneqassaaq, piginnittuusooq taamatullu atuisooq Kalaallit Nunaannut attuumassuteqarnerusutut naatsorsuunneqarpat.

#### *Allamut nuunneq*

§ 6. Qamummik nalunaarsukkamik piginnittoq atuisorluunniit Kalaallit Nunaanni najugaqarunnaarpat nunaqarunnaarluniluunniit qamut nalunaarsuiffimmiit piigassatut nalunaarutigineqassaaq imaluunniit nutaamik piginnittoqalersutut taamatullu atuisoqalersutut nalunaarsooqitassanngortitaassaaq, qimagulluni allamut nuuttoq Kalaallit Nunaanni nalunaarsorneqarnermut aqutsisuusimappat, tak. § 3.

*Imm. 2.* Imm. 1-ili atuutissanngilaq, pineqartoq taanna Kalaallit Nunaata avataani ulluni 185-init ikinnerusuni taamaallaat najugaqarallassappat.

#### *Kalaallit Nunaannut nuunneq*

§ 7. Qamummik Kalaallit Nunaata avataani nalunaarsukkamik piginnittoq atuisorluunniit Kalaallit Nunaanni najugaqalerpat nunaqalerpalluunniit qamullu § 2 malillugu nalunaarsugassatut typeqarpat Kalaallit Nunaannut nuunnermiit ullut 14-it qaangiutsinnagit nalunaarsorneqassaaq, nuuttoq nunami allami najugarisamut pingaarnertut attuumassuteqarnerussanngippat, tak. § 5.

#### *Marloriaammik nalunaarsuinissap inerteqqutaanera*

§ 8. Qamut Kalaallit Nunaata avataani allami nalunaarsugaq aamma Kalaallit Nunaanni nalunaarsorneqarsinnaanngilaq.

*Imm. 2.* Poliit aalajangerpassuk qamut Kalaallit Nunaanni nalunaarsorneqassasooq nunami allami nalunaarsorneqarnermut allagartaq uppersaat qamutillu normulerfii taamatullu

nalunaarsorneqarnermut mærkia atugassaajunnaarlugit arsaarinnissutaassapput nunamilu allami pisortaqarfik nalunaarsuisuusimasoq tamatuminnga politiit ilisimatissavaat.

### Kapitali 3

#### *Nalunaarsuisarneq il. il.*

#### *Nalunaarsugassatut nalunaarutiginnittarneq*

§ 9. Qamut nalunaarsugassatut politiinut nalunaarutiginnissutaasassaaq (nalunaarsuiffinniilerneq, nalunaarsoqqinneqarneq nalunaarsuiffinniillu peerneqarneq).

*Imm. 2.* Nalunaarsugassatut nalunaarutiginninneq imaluunniit nalunaarsoqqitassanngortitsineq pisassaq allattuiffissaq politiinit akuerisaaq atorlugu, taamaattoq tak. § 1, imm. 4, nr. 2.

*Imm. 3.* Nalunaarutiginnissummi allanneqassapput piginnittuusup aqqi tamarmiusut, CPR-normua imaluunniit GER-normua najugaalu. Inuk alla imaluunniit inatsisitigut ingerlatsisorisaaq qamummik sivisuumik atuisinnaatitaasimappat taamatulli taanna pillugu paasissutissaqassaaq.

*Imm. 4.* Qamut nalunaarsugaappat imaluunniit siusinnerusukkulli nalunaarsorneqareersimappat nalunaarsorneqarnermut allagartaq kingullerpaaq tunniunneqassaaq, tammaaneqarsimassanngippat imaluunniit pissarsiarineqarsinnaasimassanngippat.

*Imm. 5.* Nalunaarutiginninnermi ilanngunneqassaaq qamutip qamutiniq motorimik ingerlatilinnik il.il. akisussaanermut sillimmasiisarneq pillugu Kalaallit Nunaannut nalunaarummut naapertuuttumik akisussaanermut sillimmaserneqarneranut uppersaat (sillimmasiinermit uppersaat).

§ 10. Qamummik piginnittuusooq kisimi qamut nalunaarsugassatut nalunaarutiginnissutigisinaavaa, taamaattoq tak. imm. 4.

*Imm. 2.* Nalunaarsugassanik nalunaarutiginninneq pisinnaavoq qamummik piginnittuusup pisinnaatitsissuteqarneratigut. Kinaluunniit, qamutip nalunaarsorneqarneranut allagartamik pigisalik, naatsorsuunneqassaaq piginnittuusumiit pisinnaatitaasutut qamummik nalunaarsugassatut nalunaarutiginninnissamat.

*Imm. 3.* Nalunaarsuinikkut inuit pigisaannik inatsisitigut aalajangersaasarneq naapertorlugu qamummik piginnittuunermut tunngasut misilinneqartussaannngillat. Qamut nalunaarsorsimappat siusinnerusukkulluunniit nalunaarsorneqareersimappat, kisiannili nalunaarsorneqarnermut allagartaq tammaaneqarsimalluni imaluunniit pissarsiarineqarsinnaanani, misiliineq pissaaq paasiniarlugu nalunaarutiginnittoq allagartap taarsertinnissaanut § 13-imi patsisissaatitanik naammassinnissimanersoq.

*Imm. 4.* § 3, imm. 2-mi taaneqartutut pisuni qamummik nalunaarsugassatut nalunaarutiginninnissamat aamma atuisuusooq pisussaavoq.

#### *Qamutip aserfallattaaliugaanikkut pissusianik paasiniaaneq*

§ 11. Qamut nalunaarsorneqartinnagu politiit piumasarisinaavaat politiinut takutinneqarnissaa paasiniarlugu qamut isumannaatsuunersoq.

*Imm. 2.* Tamatumani qamutip aquutaani, kigaallattaataani, qulliini imaluunniit kalerrisaaruteqarfiini ajoquteqartoq imaluunniimmi amigaateqartoq paasineqarpat aqqusinertigut angallannerup isumannaatsuunissaanut ulorianartorsiortitsilersinnaalluni nalunaarsorneqarnissaa itigartitsissutaasinaavoq.

### *Nalunaarsorneqarnermut allagartaq*

§ 12. Qamutip nalunaarsorneqarneranut uppersaammik politiit allagartaliussapput. Allagartaq qamummik piginnittumut tunniunneqartassaaq, tak. § 10. Qamut arlalinnik piginnittulittut nalunaarsugaappat, allagartaq tunniunneqassaaq nalunaarsuinermi allagartamik nassitsivissatut taaneqartumut.

### *Taartitut allagartaq*

§ 13. Nalunaarsorneqarnermut allagartamut innarlarsimasumut, tammaasamut imaluunniit pissarsiariniarneqarsinnaanngitsumut taartissamik politiit allagartaliorsinnaapput, patsisissaatitat makkua arlaat eqquutsinneqarsimappat:

- 1) Qamummik piginnittuusutut nalunaarsorneqartup uppersarlugu nalunaarutigippagu allagartap allassimaqqaanera tammarsimasoq imaluunniit nalunaarsorneqarnermut allagartap allassimaqqaarneranik innarlarsimasumik tunniussaqqarpat.
- 2) Eqqartuussutinik naammassisitsiniaasartup allattaaviinit, eqqartuussutinut allattaavinniit assigisaanniilluunniit takussutissiaq naapertorlugu qamummik piginnittuusup, tamanna nalunaarsuiffinni allassimangikkaluaq, uppersarsippagu nalunaarsorneqarnermut allagartap allassimaqqaanera pissarsiariniarneqarsinnaanngitsaq.
- 3) Kialuunniit piginnittuusutut nalunaarsugaasumiit allaganngukkatut nalunaarutaasut naapertorlugit qamummik piginnittuulersimasup uppersarsippagu nalunaarsorneqarnermut allagartap allassimaqqaanera pissarsiariniarneqarsinnaanngitsaq.

*Imm. 2.* Qinnuteqarneq pissaaq allaffissiaq politiinit akuerisaq atorlugu, taamaattoq tak. § 1, imm. 4, nr. 1.

*Imm. 3.* Taartitut allagartaq nalunaarsukkatut piginnittumut nassiuunneqassaaq, tak. § 12.

### *Nalunaarsuiffinni paasissutissanik allanngortitsinerit*

§ 14. Nalunaarsuereernikkut qamut pillugu paasissutissat nalunaarsuiffimmi allassimasut aamma nalunaarsuinermit allagartamiittut allannguuteqarpata, allannguutaasut politiinut nalunaarutigineqassapput, nutaamik allagartaliortussanut. Tamannali atuutissanngilaq najugarisaq pillugu paasissutissani.

*Imm. 2.* Qamummik piginnittuuneq atuinerluunniit allannguuteqarpat, piginnittuusog (piginnittuusut nikinnerini nutaamik piginnittuulersoq) pisussaavoq nutaamik piginnilersumut atuilersumulluunniit qamut nalunaarsugassatut sapinngisamik piaartumik kingusinnerpaamillu allannguuteqarnermiit sap. ak. 3-t qaangiutsinnagit nalunaarutigeqqussallugu, tamanna nallertinnagu piginnittuunerup nalunaarsuivinniit peerneqarnissaa nalunaarutaareersimangippat. Aamma taamaassaaq, qamummik nalunaarsukkamik piginnittuune atuinerluunniit atorunnaarpata.

*Imm. 3.* Qamummik piginnittutut nalunaarsorneqartoq toquppat, toqusup pigisaanik isumaginnittuusut pisussaapput piginnittup toquneraniit kingusinnerpaamik qaammatit 6-it qaangiutsinnagit qamutip nalunaarsuiffinniit peerneqarnissaa nalunaarutigissallugu, piffissarititaaq naatinnagu toqusoq sinnerlugu qamummik piginnittuulersoq nalunaaruteqareersimassanngippat imaluunniit qamut arlalinnit pigineqartutut nalunaarsugaasimassanngippat.

### *Qamummik nalunaarsuiffinniit peersisarneq*

**§ 15.** Politiinit paasineqarpat qamut nalunaarsoriigaq aquutitigut, kigaallattaatitigut, qullertigut imaluunniit kaleriisaarutitigut ima ajoquteqartigisoq aqqusinertigut angallannerup isumannaatsuunissaanut aarlerinartorsiortitsisinnaalluni, normulerfii politiit arsaarinnissutigisinnaavaat qamullu nalunaarsuiffinniit peersinnaallugu imaluunniit piginnittuusoq piffissalersinnaavaat ajoqutinik iluarsiiviginninnissamut.

*Imm. 2.* Politiit piginnittuusoq ajoqutinik iluarsiiviginninnissamut piffissalersimappassuk, piffissaliussarlu naatinngu ajoqutit iluarsaanneqarsimangippata qamutip normulerfii politiinit arsaarinnissutigineqassapput.

*Imm. 3.* Imm. 1 aamma 2 taamatulli snescooterinut (qamuterallannut) atortinneqassapput. Snescooterip nalunaarsugaaneranut mærkit politiinit arsaarinnissutaaginnaratik atorsinnaajunaarsitaasassapput snescooterilu nalunaarsuiffinniit peerneqartassaaq, tak. § 16, imm. 3.

**§ 16.** Qamut nalunaarsugaq atorsinnaajunnaarlugu isaterneqarpat imaluunniit Kalaallit Nunaanniit anninneqarpat piginnittuusoq kingullertut nalunaarsugaasoq pisussaavoq ullut 14-it qaangiutsinnagit qamutip nalunaarsuiffinniit peerneqarnissaa nalunaarutigissallugu.

*Imm. 2.* Peerneqarnissaanik nalunaaruteqarnermi qamutip normulerfii politiinut tunniunneqartassapput.

*Imm. 3.* Snescooterip nalunaarsuiffimmiit peerneqarnerani nalunaarsorneqarneranut mærkii tamarmik atorsinnaajunnaarsinneqassapput. Tamanna pissaaq politiit imaluunniit allap politiinit tamatumunnga pisinnaatitaannit mærki angeqataanik qallerlugu nipititsivigineqarneratigut.

**§ 17.** Qamut nalunaarsugaq politiinit nalunaarsuiffinniit peerneqarsinnaavoq, piginnittuusup nalunaarsukkap nalunaarutigippagu qamutip normulerfii imaluunniit nalunaarsorneqarnermut mærkii tammartut imaluunniit arsaarinnissutaasut.

*Imm. 2.* Qamutip normulerfiinik politiit tigusaqarunik qamut nalunaarsuiffinniit piissavaat, taamaattoq tak. § 23.

## Kapitali 4

### *Normulerfiit aamma nalunaarsorneqarnermut mærkit*

#### *Normulerfimmik atukkiussineq*

**§ 18.** Qamut nalunaarsugaq ataatsimik marlunnilluunniit normulerfeqassaaq qamutip nalunaarsorneqarneranut normulinnik, § 22-mik malinnittussat kisimik pinnatik.

*Imm. 2.* Qamutit Kalaallit Nunaanni nalunaarsorsimanerat ingerlaannartillugu nalunaarsortinnermut normuinit malittarineqartuassapput.

*Imm. 3.* Normulerfiit politiinit atukkiussat kisimik atorneqassapput.

*Imm. 4.* Qamummik piginnittup nalunaarsugaasup akisussaaffigissavaa qamut nalunaarsuutiniit peerneqarpat normulerfiinik politiinut utertitsinissaq.

*Imm. 5.* Normulerfimmik nassaartoqarpat taanna politiinut tunniunneqassaaq. Politiit qinnuigineqarnikkut normulerfiit tunniunneqartut pillugit uppersaasiortassapput.

### *Normulerfiit amerlassusii*

**§ 19.** Imm. 2-mi 3-milu taaneqartut eqqaassanngikkaanni qamut nalunaarsugaq marlunnik normulerfeqassaaq. Ataaseq sioraani ikkussorneqartussaq aappaalu qamutip kingornatungaani.

*Imm. 2.* Motorcykeli, qamutit kalittakkat (p h ngsvogn aamma s ttevogn) ataasiinnarmik normulerfeqassapput. Normulerfik qamutip kingornatunganut ikkussorneqassaaq.

*Imm. 3.* Traktori nalunaarsugaq ataasiinnarmik normulerfeqassaaq. Normulerfik traktorip sioraatunganut ikkussorneqassaaq.

### *Ikkussuineq, eqqiluisaartitsineq qaammaqqusiinerlu*

**§ 20.** Normulerfik qamummut ikkussorneqassaaq takoriaannaasussatut atuaruminartutullu.

*Imm. 2.* Normulerfik manissumut qamutip takissusaata aksianik teqeqqorissumik napisisumut narlortillugu ikkussorneqassaaq.

*Imm. 3.* Ikkussuinermi qinnillit ikkussuutaassappata normulerfimmi naqinnerit atuarneqarsinnaasut asserneqassanngillat. Qinnillip ikkussuutaasup niaquusaa normulerfiup qalipaateqataanik matullugu qallerneqassaaq. Kikissat qinnillit sunulluunniit allanut kusassaatisiat atorneqassanngillat.

*Imm. 4.* Normulerfiup ilusaa allangortinneqassanngilaq. Normulerfik m rkatlinik allanilluunniit paasisitsiniutinik imaluunniit pinnerisaatinik ikkussivigineqassanngilaq. Normulerfik sinilerneqaraniluunniit sinaakkusersorneqassanngilaq ilaanik assiisinnaasunik, ikkussiviup pladip ilaa normulerfiit sinaasa ilummut peqitat avataanniittoq eqqaassanngikkaanni.

*Imm. 5.* Normulerfik eqqiluutsuutitaassaaq, imaaliinnaq atuarneqarsinnaanngorlugu.

*Imm. 6.* Normulerfik qamutip kingornatunganiiittoq qaammaqquteqassaaq qulliit ikinneqarfissaanni ikittartunik. Tamannali sakkunut motorilinnut tunngatillugu atuutissanngilaq.

### *Piviusuusaartitat assigisaallu*

**§ 21.** Normulerfik piviusoq issuarniarneqassanngilaq imaluunniit pisinnaatitaanngitsunit atorneqassanngilaq.

*Imm. 2.* Qamummut aqqusinertigut angallannermik inatsimmi aqqutissaatitakkut atorneqartumut pladinik isikkumikkut allagartamikkut ilutsimikkut imaluunniit inissitaanermikkut piviusutut peqqussutaasunut imaluunniit akuerisaasunut paarlaanneqarsinnaasunik ikkussuisoqassanngilaq.

### *Nalunaarsortinnermut m rki*

**§ 22.** Snescooteri nalunaarsugaq normulerfilerneqarani m rkinik marlunnik nipitassianik scooterip nallunaarsortinnermi normuinik imalinnik (nalunaarsortinnermut m rki) ikkussivigisaassaaq.

*Imm. 2.* Nalunaarsortinnermut m rkit politiinit tunniunneqartut kisimik atorneqassapput. M rkit taama ittut atoreernerisigut politiinut tunniunneqartussaanngillat.

*Imm. 3.* Nalunaarsortinnermut m rkit qamutip saneraani illugiinni qamutip motoriata puuanut nipitinneqartassapput. M rkit inissinneqarsimassapput nalunaarsortinnermi normut imaaliinnaq atuarneqarsinnaanngorlugit.

*Imm. 4.* Nalunaarsortinnermut m rkinut tunngatillugu § 18, imm. 2, § 20, imm. 4 aamma 5, aamma § 21 taamatulli atuutinneqassapput.

*Normulerfinnik imaluunniit nalunaarsortinnermut mærkenik innarliineq imaluunniit  
annaasaqarneq*

**§ 23.** Normulerfik imaluunniit nalunaarsortinnermut mærki tammarsimappat, atuarneqarsinnajunnaarsimappat imaluunniit allatut iliornikkut atorsinnaajunnarsimappat, tamanna ingerlaannaq politiinut nalunaarutigineqassaaq.

*Imm. 2.* Normulerfik innarligaq politiinut tunniunneqartassaaq. Qamut marlunnik normulerfeqarpat, ataasiinnarlu innarligaalluni normulerfiit tamarmik politiinut tunniunneqartassapput.

*Imm. 3.* Politiit normulerfinnik innarlersimasunik tigusaqarunik normulerfinnik nutaanik nalunaarsortinnermut nutaanik normulikkanik tunniussaqaartassapput, qamullu pillugu nallunaarsortinnermut allagartamik nutaamik tunniussisassapput. Taamatuttaaq issaaq nalunaarsortinnermut mærkit pineqartillugit, politiit nalunaarfigineqarunik mærki taama ittoq annaaneqarsimasoq imaluunniit atuarneqarsinnaajunnaarsimasoq.

*Allagartat utaqqiisit*

**§ 24.** Politiit normulerfinnik allagartatut utaqqiisitut illusilinnik tunniussaqaarsinnaapput inuussutissarsiutinik ingerlatalinnut imaluunniit inatsisitigut ingerlatsisuinut, allagartanik ataavartumik pingaarutilimmillu § 25-imi taaneqartutut ingerlaarnissamut atorfissaqaartitsisunut.

*Imm. 2.* Allagartat utaqqiisit aatsaat tunniunneqartassapput, tunineqartussaq allagartamik utaqqiisissamik atuilluni ingerlaarnissamut qamutit il. il. motorimik ingerlatillit akisussaasutut sillimmaserneqartarnerat pillugu Kalaallit Nunaannut nalunaarummi malittarisassat malillugit akisussaannermut sillimmasiisimassappat.

*Imm. 3.* Allagartat utaqqiisit ukiuni 5-ni atugassatut tunniunneqartassapput.

*Imm. 4.* Allagartanik utaqqiisinik tunniussaqaarneq politiinit nalunaarsorneqarlunilu uppernarsaammik allagartaliunneqartassaaq.

*Imm. 5.* Allagartanik utaqqiisinik tunineqarnissamut pisinnaatitaaneq allanut nuunneqarsinnaanngilaq.

*Imm. 6.* Allagartat utaqqiisit politiinit arsaarinnissutaasinnaapput, allagartat § 25-mut akerliusumik atorneqarpata, imaluunniit taama ittunik peqarnissamut pisinnaatitaasup imm. 1-imi 2-miluunniit patsisissaatitat naammassisinnaajunnaarpagit.

**§ 25.** Allagartat utaqqiisit atorneqartassapput qamummik nalunaarsorneqanngitsumik § 2, imm. 1-imi taaneqartutut ingerlaarnissami.

*Imm. 2.* Allagartat utaqqiisit sivikitsuinnarmik atorneqartassapput makku siunertaralugit:

- 1) Kalaallit Nunaannut eqqunneqarnermut tassanngaanniillu anninneqarnermut atasumik eqqussuisup/annissuisup najugaqarfigisaanut taamatullu ingerlatsiveqarfianut ingerlaarnermi.
- 2) Qamummik nutaamik misiligaanermut atoriaannaalersitsinissamullu atasumik ingerlaarnermi, kisianni qamummik oqattaarinerunngitsumi.
- 3) Qamummik iluarsaassineq tunngavigalugu misiligaanermi, kisiannili qamummik oqattaarinerunngitsumi.
- 4) Iluarsaasimaneq imaluunniit allamut tunisineq tunngavigalugu qamummik aallerneq aatsinerluunniit.

- 5) Qamummik nalunaarsuisitsinissaq imaluunniit akuersisitsinissaq pillugit pisariaqarneratut ingerlaarnissami.
- 6) Qamutininik nioqqutilimmut, allanik tuniniaaveqarfimmut imaluunniit sumiiffimmut saqqummersitsiviusussamat quimulluunniit nuussinermi.
- 7) Tuniniaasartumut taassumaluunniit sulisuinut qamummik nittarsaassinissami.
- 8) Qamutip tunineqarnera pissutigalugu nittarsaassinisami imaluunniit misiliinermi. Ingerlaarnissaq aatsaat pisassaaq pisuni tamani sioqqutsisumik soorlu pisisumit qinnuigineqarnikkut.

*Imm. 3.* Utaqqiisitut allagartaq taamaallaat atorneqartassaaq § 24 malillugu taama ittumik tunineqartumit, taassumalu sulisuinit. Taamaattorli imm. 2, nr. 7-mi aamma 8-mi taaneqartutut nittarsaassinerni qamut utaqqiisitut allagartalik tuniniaasumut taassumalu sulisuinut imaluunniit piserusuttumut, taassuma qanigisaanut inunnullu, qamutip naliliiffiginiarnerani pisiumasumut ikiortaasunut atukkiunneqarsinnaavoq.

*Imm. 4.* Allagartat utaqqiisit qamutini aqqusinertigut angallannerit isumannaatsuunissaannut ulorianaatilinni atorneqassanngillat. Allagartat utaqqiisit aamma atorneqassanngillat qamutini, usinik imaluunniit inunnik assartuineranut atorneqartussani, tak. imm. 2.

*Imm. 5.* § 19, § 20, imm- 1-5, aamma § 21 allagartanut utaqqiisinut tunngatillugu taamatulli atuutinneqassapput.

## Kapitali 5

### *Pillaatissat, naammagittaalliorneq il. il.*

#### *Nalunaarummik unioqqutitsinerni pineqaatissiissutissat*

**§ 26.** § 2-mik, § 3-mik, § 6-imik, § 7-imik, § 14-imik, § 16-imik, §§ 18-23-mik aamma § 25-mik unioqqutitsineq akiliisitsissutaasinnaavoq.

*Imm. 2.* Piginneqatigiiffiit il. il. (inatsisitigut ingerlatsisorisaat) pillaatissanut akisussaatinneqarsinnaapput Kalaallit Nunaanni pinerluttulerinermik inatsimmi kapitalit 5-iat malillugu.

#### *Naammagittaalliorneq*

**§ 27.** Nalunaarummik matuminnga politiit aqutsinerat pillugu naammagittaalliuutit aalajangiiffigineqartassapput akileraarutininik aqutsineq pillugu inatsimmi §§ 40-46 malillugit nunamut tamarmut akileraarutit pillugit eqqartuussivimmit (Landsskatteretten-imit) aalajangiiffigineqartassapput. Naammagittaalliuutit aalajangiiffigineqartassapput akileraarutininik aqutsineq pillugu inatsimmi § 13, imm. 3, malillugu Landsskatteretten-imit.

*Imm. 2.* § 11, § 15 aamma §§ 18-23 malillugit politiit aalajangiineri naammagittaaliuutaasinnaanngillat.

*Imm. 3.* Naammagittaalliorneq kinguartitsigallarnissamik sunniuteqassanngilaq. Poliitiilli taamaasiornissamat immikkut ittunik pissutissaqartillugu naammagittaalliuut kinguartitsigallarnissamik sunniuteqartussanngortissinnaavaat.

#### *Sakkutooqarfii*

**§ 28.** Nalunaarut manna sakkutooqarfinnut Kalaallit Nunaata illersornissaa pillugu, Kunneqarfimmi Danmarkimi Naalackersuisut aamma Amerikami Naalagaaffiit Peqatigiit



akornanni Atlantikup Avannaa pillugu Isumaqatigiissutaat naapertorlugu isumaqatigiissut K benhavn-imi ulloq 27. april 1951 atsiugaasoq pillugu Nunanut allanut Ministereqarfiup nalunaarutaani nr. 23, 20. juni 1951-imeersumi artikel II, nr. 3-mi pineqartunut atuutissanngilaq.

*Atuulersitsineq*

  29. Nalunaarut atuutilissaaq 1. august 2013. Taamaattorli   2, imm. 1, nr. 2-4. aatsaat sunniuteqalissapput 1. november 2013-imiit.

*Imm. 2.* Ulloq 1. august 2013 atorunnaassaaq qamutinik motorilinnik Kalaallit Nunaanni nalunaarsuisarneq pillugu nalunaarut nr. 139, 29. april 1968-imeersoq.

*Akilerarutinut Ministereqarfik, ulloq 31. maj 2013*

HOLGER K. NIELSEN

/Lene Skov Henningsen